

Efesios

Efeso majarãre gojabeoñumi Pablo

¹ Yũhũ Pablo Goãmũ ïgũ gamero dopa ta Jesucristo yũre ïgũ yare buhedore apidigũ ãhraa. Eropigũ mũare Efeso majarãre gojabeoa. Mũare Jesucristore ðaro umupeorãre gojabeoa yũhũ.

² Goãmũ mari Pagũ mera Jesucristo mari Opũ mera mũare ðadoreã. Ñgũ mũare itamuri mera ðaro árĩque mũa.

Cristo yarã mari árĩcũ ïagũ Goãmũ ðaro iimi marire, arĩ gojañumi Pablo

³ Goãmũ mari Opũ Jesucristo Pagũ marire ðaro iiniguicãmi. Árĩpehreri ïgũ ya ðari mera ïgũ mari pepirire ðarire ohomi mari ïgũ pohro árĩro dopa. Marire sĩporã turacũ iimi. Cristo yarã mari árĩcũ ïagũ eropa marire ðaro iimi. Gũã ïgũ eropiicũ ïha ðaro umupeoa. Ñgũre ðaro wereniguia.

⁴ Õpa iipũ ïgũ marire ïgũ yarãre: I yeba árĩboro coregue ïgũ yarã árĩmorãre beyemuhtapũ ïgũ marire. Eropa beyegũ ïgũ marire ïgũ ïarore ñeri iiro marirã mari árĩmorãre iipũ. Eropigũ ïgũ marire “Ñerã ãhrima, arĩsome.

⁵ Marire mahigũ mojomoro ïagũ iribojegue õpa arĩmuhtapũ ïgũ marire: “Yũ magũ Cristo ïgũ itamuro mera erã yũ porã ðaro árĩrãcoma,”

arĩ apipũ marire iribojegue ta. Īgũ gamediro dopa ta eropa iipũ ĩgũ marire.

⁶ Marire ĩgũ eropa õaro iicũ ĩarã umupeoa. Īgũre õaro wereniguia. Īgũ magũ ĩgũ mahigũ Jesucristo yarã mari árĩcũ ĩagũ, õaro iimi ĩgũ marire.

⁷⁻⁸ Eropigũ ĩgũ magũ Jesucristo ĩgũ di cóãgũ sĩrigũ mari ñeri iira dipuwajare wajayebasadi árĩmi. Īgũ eropa wajayebasacũ mari ñeri iirare cãdijidi árĩmi Goãmũ. Eropigũ marire turaro mahigũ, marire mojomoro ĩagũ eropa iipũ Goãmũ. Eropigũ marire peamegue wabonirãre taudi árĩmi. Īgũ õaro masipehori mera eropiipũ ĩgũ. Eropirã ĩgũre õaro wereniguia.

⁹⁻¹⁰ Eropigũ ĩgũ marire ĩgũ iiborore marire masicũ iimi. Iribojegue majarãre irire masicũ iibirimuripũ ĩgũ. Ōpa ãhraa marire ĩgũ iiboro. Īgũ gamediro dopa ta ĩgũ pepidiro dopa ta árĩpehrerãre Cristo dorero doca árĩcũ iigũcumi. Eropigũ árĩpehrerire ĩgũ ya árĩcũ iigũcumi. Īgũ queorasubu árĩcũ umaro majarãre, i yeba majarã sãre ĩgũ dorero doca árĩcũ iigũcumi ĩgũ. Eropigũ umaro maja sãre i yeba maja árĩcũ sãre ĩgũ ya dihta árĩcũ iigũcumi. Eropigũ Jesucristopũ árĩpehrerã weca opũ árĩgũcumi. Eropiro árĩpehreri ĩgũ ya dihta árĩroca. Eropa árĩbure árĩdorepũ Goãmũ ĩgũre.

¹¹ Eropi Cristo yarã mari árĩborore masiyugũ Goãmũ marire beyetuhapũ ĩgũ yarã árĩmorãre. I árĩpehrerire apipũ ĩgũ, ĩgũ pepidiro dopa ta ĩgũ gamediro dopa ta iibu.

¹² Īgũ eropiipũ ĩgũ yare gũa iiborore. Īgũ

yare gwa ðaro iicũ ĩarã gajirã sã ĩgure umupeorã “Turagu ãhrimi,” arĩrãcoma. Gwape judio masa Cristore gamenuganirã árĩrã ĩgure umupeomũhtanirã árĩbũ.

¹³ Mũa sã diaye wereniguirire, ðari buherire peeabũ. Iri buheri mera ta Goãmũ pohrogue warãca mũa. Irire peerã ĩgure umupeoa. Eropirã ĩgu yarã wahabũ mũa. Ōpa arĩpũ Cristo: “Yũre umupeorãre Espĩritu Santore obeogura,” arĩ wererĩpũ. Eropigu ĩgure mũa ũa iiborore. ĩgu yare gwa ðaro iicũ ĩarã gajirã sã ũmupeocũ ĩagu ĩgu Espĩritu Santore odigu árĩmi mũare. Eropigu ĩgure mũa opacũ, “Jesucristo yarã ãhraa,” arĩ masicũ iimi ĩgu mũare.

¹⁴ Goãmũ marire taricũ iiami. Eropigu pũhrũ ĩgu pohrogue aĩagucumi marire ĩgu oburire marire obu. Marire aĩaboro core Espĩritu Santopũ mari mera ãhrimi. ĩgu mari mera árĩcũ Goãmũ mera mari árĩborore ðaro masia. Goãmũ marire ĩgu eropiicũ ĩarã ĩgure umupeori mera, “Ōagu ãhrimi,” arãa mari.

Pablo Goãmũre serẽbasañumi Jesu yarãre

¹⁵⁻¹⁶ Eropigu Jesucristore umupeorã mũa árĩcũ peebeo, arĩpehrerã ĩgu yarãre mũa umupeo mahirire peebeogu Goãmũre “Ōhaa,” arãa. Eropigu umpedũ nũcũ serẽbasaa mũare Goãmũre.

¹⁷ Mari Pagũ umpedũ majagu ĩgu yare mũare ðaro masicũ iidoregu serẽbasaa. Eropigu ĩgure mũa ðaro masinemoboro dopa serẽbasaa. ĩgu Goãmũ Jesucristo mari Opũ Pagũ ãhrimi.

18 Eropigu mua ðaro masiboro dopa mware serēbasaa Goāmure. Īgu mware taugu, ĩgu yarā árīmorāre iimi ĩgu mware. Eropigu mware ĩgu yarāre ĩgu pohro ðaro wacū iigucumi. Irire mua ðaro masiboro dopa serēbasaa yuhū Goāmure. Eropigu ĩgu marire oburi sāre “Ōataria āhraa,” iri mua arī mua masiboro dopa serēbasaa. Ōpa mua masiboro dopa serēbasaa mware Goāmure.

19 Mari Jesucristore umupeorāre ĩgu itamugu, ĩgu turari mera ĩgu iimi. Īgu gajirā tauro turagu āhrimi. Mware iri sāre ðaro masiboro dopa serēbasaa mari Pagu Goāmure.

20 Īgu turari mera Cristo sīridigure masudigu árīmi. Eropigu ĩgu turari mera umarogue ĩgu diayepu Cristo ĩgu doacū iidi árīmi Goāmū árīpehrerāre ĩgu doreboro dopa.

21 Ero doagu árīpehrerā umaro majarā oparā weca, árīpehrerā dorerā weca āhrimi Cristo. Eropigu i umū majarā weca opu, gajipu majarā sā weca opu, árīpehrerā dohpague majarā, gajisubu majarā sā, puhrugue majarā sā erā weca opu árību ta āhrimi ĩgu.

22 Eropigu árīpehrerā weca, árīpehreri weca apipu Goāmū Cristore. Eropigu árīpehrerire opuacū iipu ĩgure. Eropiro Cristo yarā yuju curu árīrā erā opu árībure acupu ĩgure. Erā dipuru iro dopa árīgu āhrimi ĩgu.

23 Cristo yarā yuju curu árīrā ĩgu dupu iro dopa árīrā āhraa mari. Cristo árīpehrerogue árīniguimi. Eropigu mari ĩgu yarā mera árīniguigu marire itamuniguicāmi.

2

Goãmũ marire mahigu, mojomoro ïagu taupũ marire, arĩ gojañumi Pablo

¹ Ñeri dipuwajacubonirã peamegue dederebonirã árĩquerecũ ta Goãmũ mũare taumi.

² Iribojeguere i yeba majarã Goãmũ tarinugarã iro dopa iimurininã árĩribũ mũa. Eropirã watĩ ïgu gamero dopa ta iimurininã árĩbũ mũa. ïgu watĩ i yeba doregu Goãmũre tarinugarã opu ãhrimi.

³ Iribojegue árĩpehrerã mari õpa dihta iininã árĩribũ. Mari ñeri dihtare ñaribejaribũ. Mari ejatuharo mari pepiro dopa iimuriribũ. Eropa árĩrã gajirã árĩpehrerã iro dopa ta mari sã ñerã árĩmuriribũ. Mari árĩpehrerã masa mera eropa árĩrã árĩcũ ïagu Goãmũ mari mera guagu dipuwaja moadiaripũ.

⁴ Eropa iidiaqueregu ta marire turaro mahigu mojomoro ïapũ.

⁵ Eropa mahitarigu mari ñeri iira waja peamegue dederebonirã mari árĩquerecũ ta marire ïgu mera árĩniguimorã árĩcũ iimi. Jesucristo ïgu sĩribasara mera mari ïgu yarã árĩcũ marire iimi. Marire mojomoro ïagu taumi ïgu marire.

⁶ Goãmũ Jesucristo sĩridire masugu ïgu pohro apidigu árĩmi árĩpehrerãre dorebu. Eropigu ïgu mari sãre ïgu yarãre Cristo dorerire opacũ iimi. Eropirã ïgu pohro ïgu mera árĩrãca mari.

⁷ Eropiimi ïgu pũhrugue majarã marire ïgu mojomoro ïarare erã masiboro dopa. Jesucristo

marire ĩġu ðaro itamura mera ĩġu masare turaro ĩġu mahirire ĩhmumi.

⁸ Cristore mari umupeocũ Goãm̃p̃u marire taricũ iimi. Marire mahiġu ĩġu pohro ejacũ iigucumi. Mari gamero ðaro iiric̃ari mera Goãm̃u pohro ejadiarã ejamasisome. Mari iibiriquerecũ apimi mari ĩġu pohro ejaburire. Eropiro waja mariro Ʃm̃ari ñc̃u ĩġu mera mari árĩburire ohomi marire.

⁹ Mari basi tarimasĩbirica. Mari iiri mera mari gamero mera tarirã mari “G̃ua basi taria,” arĩboca. Goãm̃p̃u marire taumi ĩġu pohro mari wamorãre.

¹⁰ Jesucristo yarã árĩcũ iimi marire Goãm̃p̃u. Eropiġu Jesucristo yarã mari árĩcũ ĩaġu ðarire iirã dihta wacũ iimi marire. Iribojegue ĩañumi marire ðarire iimorãre.

Cristore oparã ðaro ãhraa, arĩ gojañumi Pablo

¹¹ Eropirã m̃ua ero coregue árĩric̃urare dohpague sãre ġuñaque. M̃uare judio masa árĩbirãre ġua judio masap̃u ĩhaturim̃arib̃u. G̃ua circuncisión iinirã gasiro merogã wiri añirãp̃u m̃uare gasiro merogã wiri aĩbirãre “Goãm̃u yarã árĩbeaa m̃uap̃u,” arĩm̃arib̃u m̃uare.

¹² Irisubure m̃ua Cristo yarã árĩbirã boje majarã arĩm̃arib̃u. Goãm̃u beyenirã judio masa iro dopa árĩbirim̃arib̃u m̃uap̃u. M̃ua eropa arĩnirã ĩġu beyenirã mera pep̃ari majarã ĩhaturirã arĩm̃arib̃u. Goãm̃u m̃uare “Masare ðaro iig̃ura,” ĩġu arĩ apinirã árĩbirinirã árĩrib̃u m̃ua. M̃ua ñeri dipuwaja peamegue wabonirã árĩrã árĩrib̃u

m̄a. Goãm̄u moorã árĩnirã peamegue dederebonirã árĩnirã árĩrib̄u.

¹³ Dohpaguep̄ure Jesucristo yarã ãhraa pare m̄a. Iribojegue boje majarã árĩnirã árĩquererã, dohpaguere ãgu yarã ãhraa pare m̄a. Cristo m̄a ñeri dipuwaja crusague ãgu di cóãra p̄hr̄u Goãm̄u yarã árĩcũ iimi m̄are.

¹⁴ Eropiḡu judio masare m̄a ãhaturirã árĩcũ Cristo marire bosadiḡu árĩmi. Masare bosaḡu ãhrimi ãgu. Judio masa, judio masa árĩbirã mera pe curu mari árĩcũ ãaḡu ãgu marire yuju curu ta árĩcũ iidi árĩmi. Mari ãhaturiri duhucã õaro mera árĩcũ iimi ãgu marire.

¹⁵⁻¹⁶ Õpa iimi ãgu marire. Mari ñeri dipuwaja crusague s̄iriḡu, marire peamegue wabonirãre tauḡu iimi. Eropa tauḡu ãgu yarã ãgu iimi marire. Eropiḡu mari ãgu yarã wacũ pe curu mari árĩquerecũ ta yuju curu ta mama curu iimi marire. Eropiḡu iribojegue mari game ãhaturinirã árĩquerecũ ta marire crusague s̄iribasaḡu bosadiḡu árĩmi. Eropiḡu judio masa doreri pehrecũ iimi ãgu. Erã doreri marire d̄uca wayoro pe curu majarã wacũ. Eropiḡu yuju curu ta árĩcũ iimi pare. Eropiḡu Cristo Goãm̄u yarã árĩcũ iimi marire.

¹⁷ Eropiḡu marire bosaḡu ariḡu õari buherire Goãm̄u mera õaro árĩburire wereḡu aridi árĩmi. M̄a judio masa árĩbirã Goãm̄are opabirã boje majarã árĩnirã árĩrib̄u. M̄a eropa árĩcũ ãaḡu m̄are õari buherire wereḡu aridi árĩmi. Ḡua judio masa sãre Goãm̄u yare oparã sãre wereḡu aridi árĩmi. Eropiḡu árĩpehrerãre marire bosaḡu aridi árĩmi ãgu.

18 Dohpaguere árĩpehrerã gũa judio masa, mũa judio masa árĩbirã sã mari Pagũ mera õaro árĩmasia mari. Espĩritu Santo ãgũ itamuri mera Cristopũ marire eropa árĩcũ iimi.

19 Eropirã dohpaguere mũa boje majarã árĩbeaa. ãgũ ya curu majarã ta ãhraa. Goãmũ yarãre ãhaturirã árĩbeaa. Goãmũ yarã mera majarã ãhraa pare.

20 Goãmũ yare weremũhtanirã iribojegue majarã ãgũ ya wereniguirire goja, masare weremũriũuma. Gũa sã ãgũ yare buhedore apinirã Jesucristo ya õari buherire werea masare. Gũa árĩpehrerã eropa werecũ peerã Cristore umupeonũgabũ mũa. Cristopũ ãhrimi mari árĩpehrerãre ãgũ yarã árĩcũ iigũ. ãgũ eropa iibiricũ mari ãgũ yarã árĩmasibiriboya.

21 Eropigũ ãgũ turari mera marire ãgũ yarãre yuju curu ta árĩcũ iimi ãgũ marire. Eropirã ãgũ turari mera õarã wahaa mari. Mari eropa árĩcũ ãgũ ãgũ mari Opũ ta mari mera ãhrimi.

22 Eropirã Cristo yarã árĩrã árĩpehrerã gajirã mera ãgũ yarã mera yuju curu wahabũ mũa sã. Mũa eropa wacũ Goãmũ ãgũ Espĩritu Santo mũa mera ãhrimi.

3

Judio masa árĩbirãre õari buherire wereũumi Pablo

1 Mũa judio masa árĩbirã eropa ãgũ ya curu majarã árĩburire yũ werera dipuwaja peresugue ãhraa yũhũ.

² Mũare judio masa árĩbirãre Jesucristo yare buhebure Goãmũ yũre apimi. Yũre mojomoro ãagũ, yũre mahigũ ðari buherire yũre were-doregũ, yũre apimi. Irire peetuhabũ mũa.

³ Iribojegue masa erã masibirirare Goãmũ dohpaguere yũre masicũ iimi. Ire merogã were mũare gojabeotuhabũ.

⁴ Yũ eropa gojabeorare buherã Cristo ãgũ yare yũ masirare masirãca mũa sã.

⁵ Iri ãgũ wererare iribojegue majarãre ãgũ erã masipehocũ iibiripũ. Dohpaguepũre gũare Jesu ãgũ apinirãre Goãmũ yare weremũhtarã sãre irire masipehocũ iimi Goãmũ. ãgũ Espiritu Santopũ gũare masicũ iibasami.

⁶ Õpa ãhraa ãgũ werera gajirã masibirira: Judio masa dihtare Goãmũ itamubeami. Judio masa árĩbirã sãre ãgũ itamumi. Õari buherire erã ðaro peecũ itamugũcumi ãgũ erãre. Eropirã gũa judio masa, mũa judio masa árĩbirã mera yuju dũpũ iro dopa yuju curu ta ãhraa mari. Eropirã mari árĩpehrerã Jesucristo yarã árĩrã yujuro mera Goãmũ ãgũ masare “Õaro iigũra,” ãgũ arĩ werepirare oparãca mari.

⁷ Goãmũ mojomoro ãagũ yũre mahigũ ire ðari buherire werebure yũre apimi. ãgũ masiri mera apimi ãgũ yũre.

⁸ Árĩpehrerã gajirã Jesucristo yarã erã doca árĩrã erã docague majagũ gohra ãhraa yũhũ. Yũ eropa árĩquerecũ ta judio masa árĩbirãre ðari buherire werebure apimi Goãmũ yũre. Iri buheri Cristo ðatariagũ ãgũ árĩrire, ðatariari ãgũ oparire, ðaro ãgũ oburire werebure apimi

yure.

⁹ Yure eropa apigu Goãmũ “Õpa masare taugũca,” arĩgu, árĩpehrerã masare dohpa ïgu itamuborore ðaro werepehobure apimi yure ïgu. Goãmũ árĩpehrerire ïhacũnugudigu ãhrimi. Iribojegue majarãre irire masare ïgu tauborore masare werepehobirinipũ Goãmũ. Dohpague yure iri ðari buherire weredoregu apimi masare ïgu ðaro tauborore masicũ iibu.

¹⁰ Eropirã iri buheri mera masa ïgu yarã wahama. Erã eropa wacũ ïha umaro majarã oparã anyua Goãmũ masipehogũ ïgu árĩricũrere masima. Erã eropa masicũ gamepũ Goãmũ.

¹¹ Eropigu i yeba árĩboro coregue ta “Masare peamegue wabonirãre taugũra,” arĩtuhapũ Goãmũ. Eropa arĩdigũ arĩgu dohpague mari Opũ Jesucristo ïgu sĩriro mera ïgu arĩdiro dopa ta marire taudi árĩmi.

¹² ïgu eropa taucũ dohpague Cristore umupeorã ïgu yarã wahaa mari. ïgu yarã árĩrã gũiro mariro Goãmũ mera wereniguimasia mari. Eropirã gũibiricãque mũa.

¹³ Eropirã ðari buherire yũ wereri waja dohpague peresugue arĩgu yũ ñero taricũ ïarã bujawerenijarã Goãmũ yare duhubiricãque. Õari buherire yũ werecũ peerã Goãmũ yarã wahabũ mũa. Yũhũ eropiira dipuwaja peresugue ãhraa. Eropa arĩgu mũa ïgu yarã árĩburire ñero tarigu ïiaa. Eropigu turaro mucubiridorea mũare.

Cristo masare turaro mahimi, arĩ gojañumi Pablo

14 Eropigũ i árĩpehrerire mari Opũ Jesucristo Pagũ Ìgũ iirare guñagũ mereja Ìgũre serẽbasaa mũare.

15 Árĩpehrerã Ìgũ yarã Pagũ ãhrimi. Ìgũ árĩpehreri cururi majarã Ìgũ yarã Ìgũ pohroque árĩrã i yeba árĩrã sã erã Pagũ ãhrimi.

16 Ìgũ masipehogũ ãhrimi. Turatarigũ ãhrimi. Eropigũ Ìgũre õpa serẽbasaa mũare. Mũare sĩporã Ìgũ masiri mera õaro turacũ iiboro dopa serẽbasaa mũare. Eropigũ Espĩritu Santo Ìgũ itamuri mera eropa iigũcumi.

17 Eropigũ Cristore “Diaye iigũ ãhrimi,” mũa arĩ umupeonemoboro dopa Ìgũ mũa mera õaro árĩboro dopa serẽbasaa mũare. Eropigũ gajirãre õaro mahirã mũa árĩboro dopa, Cristo Ìgũ turaro mahirire mũa masiboro dopa serẽbasaa mũare.

18-19 Mũa árĩpehrerã gajirã Goãmũ yarã mera “Cristo Ìgũ marire turaro mahimi,” mũa arĩmasiborore serẽbasaa mũare. Ìgũ mari masare turaro mahigũ ãhrimi. Ìgũ mahiri eropa õatariari árĩcũ mũa õaro masiboro dopa serẽbasaa mũare. Eropigũ Ìgũ mahirire mũa masicũ gahmea Goãmũ mũa mera Ìgũ õaro árĩboro dopa. Eropigũ irire serẽbasaa mũare Goãmũre.

20 Eropirã Goãmũre wũaro umupeori mera “Ìgũ turagũ ãhrimi,” arĩrãca. Ìgũ turari mera õaripũre gohrotomasimi Ìgũ marire. Marire õarã árĩcũ iimasimi. Mari serẽra tauro iimasimi Ìgũ. Mari gamerire, mari pepira tauro iimasimi Ìgũ.

21 Jesucristo yarã mari árĩcũ ìha Cristo Ìgũ árĩricũri sãre ìha árĩpehrerinre. Eropigũ Ìgũ

mahirire mũa masicũ gahmea Goãmũ mũa mera ãgũ ãaro árĩboro dopa. Eropigũ irire serẽbasaa mũaruri árĩpehrerã Goãmũre umupeoro. Eropa ta iiporo.

4

Cristo yarã árĩrã yuju curu ta ãhraa mari, arĩ gojañumi Pablo

¹ Mari Opũre yũ itamuri waja peresugue árĩgũ mũare turaro werea yũhũ. Goãmũ ãgũ yarã árĩmorãre mũare beyerũ. Eropirã ãgũ beyenirã árĩrã ãgũ árĩdoreldiro dopa ta ãarã árĩque mũa. Irire mũare werea yũhũ.

² Õpa iirã ãarã árĩque mũa: “Gajirãre masitarinũgaa yũhũ,” arĩ pepibircãque. Gajirãre ãaro mera iique. Eropirã guabircãque. Mũa mera majarã mũare gariboquerecũ ta erãre umupeori mera yuju diaye ãacãque.

³ Eropirã Espĩritu Santo ãgũ itamuri mera ãaro mera yujuro mera árĩniguique mũa. Eropirã gamequeãro mariro árĩcãque mũa.

⁴ Yuju dũpũ iro dopa yuju curu ta ãhraa mari. Eropigũ Espĩritu Santo yujugũ ta ãhrimi marire. Eropigũ Goãmũ ãgũ yarã árĩmorãre marire beyemũripũ marire itamubu. Eropirã ãgũ itamuborore masia mari. Iri mari masirañe yujuñe ta ãhraa.

⁵ Mari Opũ Cristo mari umupeogũ yujugũ ta ãhrimi. ãgũ buheri sã yujuñe ta ãhraa. ãgũ yarãre waĩyeriñe sã yujuñe ta ãhraa.

⁶ Eropigũ Goãmũ yujugũ ta ãhrimi. ãgũ árĩpehrerã Pagũ ãhrimi. Eropigũ árĩpehrerã

weca mari Opu āhrimi. Eropigu árīpehrerāre marire itamumi ĩgu. Árīpehrerā mari mera āhrimi ĩgu. Eropigu árīpehrerogue āhrimi ĩgu.

⁷ Yuju curu mari árīquerecũ ta árīpehrerā marire yujurāyerire mari mohmemasiburire apidi árīmi marire Cristo. ĩgu eropa apidiro dopa ta mohmemasia mari. ĩgu marire eropa apigu gajinore ĩgu eropa ocābodiropo dopa ta apidi árīmi ĩgu marire.

⁸ Eropo ta āhraa Goāmu yare erā gojarapūgue sã:

Goāmure ĩhaturirāre ĩgu tarinugara pūhru ĩgu dipaturi mūria wagucumi. Eropigu masare baja eropa ocāgucumi, arī gojañuma iribojegue Jesucristo ĩgu eraboro coreguere.

⁹ Erā eropa arī gojarā ōpa werediarā iiriñuma: Jesucristo umusigue mūria wadigu árīgu ĩgu ero coreguere dijarimūhtadigu árīmi. I yebaguere dijaridigu árīmi.

¹⁰ Eropigu ĩgu dijaridi mūria wadi ta árīmi Goāmu pohroque. Árīpehrero weca mūria wadi árīmi ĩgu árīpehrerogue árību.

¹¹ Eropigu ĩgu yarāre baja eropa ocāgu erā Goāmu ya árīburire mohmemasiburire apidigu árīmi. Erā mohmemasiburire ōpa apidigu árīmi ĩgu yarāre. Yujurāyerire Cristo ĩgu buherare buhemorāre apidi árīmi. Gajirāre Goāmu yare weretaumorāre apidigu árīmi. Ōari buherire buhe curimorāre gajirāre apidi árīmi. Cristo yarā gamenererā oparā árīmorāre erāre ōaro buhemorāre apidi árīmi gajirāre.

¹² Eropa dihta apidigu árĩmi marire gajirã ĩgu yarãre mari game itamuboro dopa. Eropa apidigu árĩmi marire ĩgu yarãre, ĩgure mari umupeonemoboro dopa, sĩporã turarã mari waboro dopa.

¹³ Eropirã mari árĩpehrerã õaro mera, yu-juro mera árĩrãca. Eropa ta árĩro gahmea marire Cristore umupeorã árĩrãre. Eropirã mari árĩpehrerã Goãmũ magure Jesucristore õaro masirãca. Eropirã Cristo turagu, pee masigu ĩgu árĩro dopa ta, mari sã pee masia warãca.

¹⁴ Mari eropa warã majirãgã iro dopa árĩsome mari. Majirãgã iro dopa ta árĩrã õaro pee masinibeama dohpa. Eropirã gajirã gũyarã erãre buherã eracũ “I diaye ãhraa,” erã arĩcũ erã peema. Pũhrũ gajirã gajiropa árĩri buherire buherã eracũ erã sãre peema. Erã iro dopa árĩsome mari.

¹⁵ Eropa árĩbirã mari mera majarã mera game mahirã diaye ta wererire game wererãca mari. Eropirã majirãgã erã buga erã pee masirã erã waro dopa ta mari sã Goãmũ yare pee sĩporã turarã Goãmũ yare õaro masirã warãca. Cristo ĩgu árĩro dopa ta warãca. ĩgu ãhrimi mari dipuru.

¹⁶ ĩgu yarã árĩrã ĩgu dupũ iro dopa yuju curu ta ãhraa mari. Mari bajarã árĩquererã ta yujuro mera õaro árĩrã iiaa. Mari eropa árĩborore Cristo itamumi. Eropirã mari yuju dupũ iro dopa õaro gamesurirã mari õaro itamua gajirãre Cristo yarãre. Eropirã mari mera majarãre Cristo yarãre õaro mahirã, erãre õaro itamurã, turarã, Cristore umupeonemorã árĩrãca mari.

Cristo yarã warã mari ñerire duhu, ðaripure gohrotoa mari, arĩ gojañumi Pablo

17 Eropi mari Opũ Cristo ĩgu dorero mera õpa werea mũare. Goãmure gamebirã gohra iiro dopa iibiricãque mũa. Erã, erã pepiripũ ñeri dihta ãhraa. Eropiro erã pepiri duhpiburi árĩbeaa.

18 Eropigũ watĩpũ Goãmũ yare erãre peebiricũ iimi. Eropirã Goãmũ yapure peebirigohracãma. Peediabeama erã. Eropirã Goãmũ ĩgu ðaro árĩdoreldiro dopa ta árĩbeama erã.

19 Eropirã erã ñerire iirã ne guhyasĩribirigohracãma. Eropirã ne bujawerebeama. Ñerire erã ñaribejari dihtare iiniguicãma. Árĩpehreri ñerire erã iire ne duhudiabirã iinemoniguicãma.

20-21 Mũapũ diaye ta ĩgu yare peerã mũa árĩcũ, Jesucristo yare ðaro masirã mũa árĩcũ mũapure erã ñero iiro dopa iidorebeamĩ Goãmũ.

22 Iribojegue ñerire iiniguicãrã mũa árĩcũ iri ñeripũ mũare goroweoro iidiro árĩbũ. Iri ñeri iiri mera mucubiridiaquererã ta ne mucubirimasibirimũribũ mũa. Eropirã "Iribojegue mũa árĩrãre duhucãque," yũ mũare arĩ buhecũ peebũ mũa.

23 Eropirã mũa pepiripure ðaripure gohroto gahmea mũare.

24 Ero core mũa ñero iirare duhucãque. Eropirã ðaripure gohrotonirã árĩque mũa. Goãmũ ĩgu ðagũ árĩldiro dopa mũare ðarã árĩcũ iimi. ĩgu eropa iinirã árĩrã ðarire iiniguicãrãca. Eropirã ñerire gamebirãca.

25 Mari yuju dɔpɔ iro dopa yuju curu majarã ta árĩrã iiaa. Eropirã mɔa basi gɔyabita. Mɔa mera majarãre diaye wereque gɔyaro mariro.

26 Gajirã mera guarã, erãre ñero iibiricãque. Mata irinɔ ta amucãque gua wajaro mariro.

27 Yoari boje guarã watĩ ãgɔ gamero dopa iirã iiaa. Eropa iibiricãque.

28 Gajirã mɔa mera majarã Jesu yarã erã árĩboro core yajari masa árĩnirã árĩñorã. Dipaturi yajabiricãporo. Eropirã dohpaguere òaro mohmeporo. Mojomorocɔrãre oburire mohmeporo.

29 Ne ñero wereniguibiricãque. Òarire wereniguirã gajirãre itamua mɔa. Erã bɔjawererã erã árĩcũ ãarã eropa ta mucubiricũ iicãque erãre. Eropirã òari dihtare wereniguique.

30 Ñerire iirã Espíritu Santore bɔjawerecũ iirã iiaa mɔa. Eropa iibiricãque. Dohpaguere ne i ɔmɔ pehrerinɔ core, Cristo marire ãgɔ aĩgãboro core, Espíritu Santo marire ãhadibumi. Ñerire mari iibiriboro dopa ãhadibumi. Eropigɔ Cristo yarã mari árĩrire masicũ iimi ãgɔ marire. Eropirã ãgɔre bɔjawerecũ iibiricãque mɔa.

31 Eropirã ne papũriniguibiricãque. Guanemobiricãque. Game dɔyasonemobiricãque. Erãre ñero arĩ gaguiniguibiricãque. Gajirãre quere moanemobiricãque. Gajirãre ãhaturinemobiricãque.

32 Eropi mɔa mera majarãre òaro mera òaro iique. Cristo yarã mɔa árĩcũ ãagɔ mɔa ñerare

cãdijicãmi Goãmũ. Eropa ta mũa sã gajirã mũare erã ñero iicũ ãarã erã ñerire cãdijicãque.

5

Goãmũ porãre õpa árrõ gahmea, arĩ wereñumi Pablo

¹ Eropirã Goãmũ porã ãgũ mahirã árrã ãgũre ãhacũque mũa.

² Eropirã gajirãre mahi umupeoniguicãque. Cristo marire mahigũ, mari ñeri iira waja sãrĩpũ. Eropa sãrigũ Goãmũre mucubiricũ iipũ ãgũ. Eropirã marire ãgũ mahidiro dopa ta mũa sã gajirãre game mahique.

³ Eropirã Goãmũ yarã árrã ne nome mera ñero iibiricãque. Nome sã ũa mera ñero iibiricãque. Gaji ñerire eropa árrire ne iibiricãque. Gajinore gametaribiricãque. Ne eropa iibiricãro gahmea Goãmũ yarã árrãre.

⁴ Eropirã gũhyasũuro wereniguibiricãro gahmea mũare. Pee masibirã iro dopa wereniguibiricãro gahmea mũare. Eropirã ñero arĩ wereyabiricãro gahmea. Ipũre iiro gahmea mũare: Goãmũre serẽro gahmea mũare. Eropa serẽrã ãgũre, “Õaro iiabũ mũhũ gũare,” arĩro gahmea.

⁵ Gajinore gametarirã goãmarã wéanirãre erã umupeoro dopa iirã iiaa mari irire. Eropirã nome mera ñero iirã, ñeri dihtare pepirã, gajinore gametarinũgarã Goãmũ Cristo mera ãgũ opũ árrõroguere ne wasome erã. Irire õaro masia mari.

⁶ Ōpa iirāre erā iira dipuwaja, turaro dipuwaja moagucumi ĩgure tarinuganirāre. Eropirā gajirā mware gajiroa arĩmaacācũ erā gwayarire peebiricāque.

⁷ Eropirā eropa ñerire iiniguicārāre wapicubiricāque.

⁸ Cristo yarā mwa árĩboro core mwa sã eropa ta iinirā árĩribũ. Dohpaguepũre ĩgũ yarā árĩrã, Goãmũre ðaro masia mwa. Goãmũ yarā ðarire iima. Eropirā eropa ta iiro gahmea mware.

⁹ Eropirā Cristo yarā árĩrã ðarire, Goãmũ gamerire, diaye maja árĩrere iirāca mwa.

¹⁰ Ōarire mari iicũ ĩagũ mari Opũ Cristo mucubirimi. Eropa ðarire iiburire ðaro masique mwa. Eropa masirā irire iique.

¹¹ Cristore gamebirā ñeri erā iimaacāri ñeri gohra āhraa. Eropa erā iiro dopa ta mwapũ iibiricāque. Ōari buherire Cristo yare wereque erāre. Eropirā erā ñeri iirare erāre masicũ iique.

¹² Masa erā ĩabiro erā ñero iicorema. Erā eropa iirare mari wereniguirā gũhyasĩriboca. Eropirā ñetariaro iirā iima erā.

¹³ Eropirā erāre ðari buherire mari wererã, ñetariarã erā árĩricurire erāre masicũ iirã iiaa mari. Erā ñeri iirire erāre masicũ mari iicũ erā ñeri iirire bujawerebocoma. Eropirā ðaripũre gohrotobocoma.

¹⁴ Iri diaye ta āhraa. Eropirā ðpa wereñorã Goãmũ yare wererã:

Ne, yũre peediabirã, yũre peeque. Mwa ñero iirare bujawereque. Irire ñero iirire duhuque. Eropigũ Cristo mwa ñeri

iirire masicũ iigu, mũare ðarire masicũ iigucumi, arĩñorã.

¹⁵ Eropirã mũari nũcu ðaro iique mũa. Pee masibirã iro dopa árĩbircãque. Pee masirã árĩque.

¹⁶ Dohpague majarã masa ñetariaro iiniguima. Eropirã mũapũ ðarire, Cristo yare mũa iiniguirã mata erã Cristo yarã árĩcũ itamuque.

¹⁷ Eropirã pee masibirã árĩbircãque. Goãmũ iigu gamerore ðaro masique. Eropirã irire iique.

¹⁸ Eropirã ne merebircãque. Mererã erã basi ñero goroweoma. Eropirã merediabirã, Espiritu Santopũre bũrigã gameque. Iguere ðaro yũhrirã árĩque.

¹⁹ Eropirã mũa basi Goãmũre umupeori bayarire game bayaque. Eropirã Salmo gojaripũre, Goãmũ yare bayarire, gajĩ iiguere umupeori bayari sãre iiguere bayapeoque. ðaro guña umupeori mera bayapeoque. Eropirã mari Opũre “Õagũ ãhrimi,” arĩ ðaro umupeoque.

²⁰ Goãmũ mari Pagũ árĩpehrerire mũare iigu ðaro iirire guñaniguicãque mucubiriri mera. Mari Opũ Jesu yarã árĩrã iiguere “Õhaa,” arĩniguicãque mũa.

Mũa yuju wihi majarã Jesu yarã árĩrã, ðpa iique, arĩ wereñumi Pablo

²¹ Mũa mera majarãre game umupeo yũhrique. Mũa eropa game umupeo yũhrirã Cristo sãre umupeo yũhrirãca.

²² Mũa marasã nomere weregũra dohpaguere. Mari Opũre Cristore mari yũhriro dopa ta mũa marapũ sũmarãre ðaro yũhrique.

²³ Jesucristo marire taudigu árĩmi ĩgu ya curu majarã mari árĩboro dopa. Eropirã mari ĩgu ya curu majarã árĩcũ mari Opũ ĩgu árĩro dopa ta mũa marapũ sũmarã mũa marasã nomere weca oparã àhrima.

²⁴ Eropirã Cristo yarã árĩrã ĩgure yũhria. Eropirã mari Cristore yũhriro dopa ta mũa marapũcũrã nome mũa marapũ sũmarãre õaro yũhrirã nome árĩque.

²⁵ Mũa marapũ sũmarã sãre weregũra dohpague. Cristo marire ĩgu yarãre mahigu mari ya árĩburire sĩridigu árĩmi. Eropirã marire ĩgu mahidiro dopa mũa sã mũa marasã nomere eropa mahiniguicãque.

²⁶ Cristo marire ĩgu yarã árĩcũ iibu sĩripũ mari ñeri marirã árĩcũ iibu. Eropigu mari ñerire coeweadĩ árĩmi ĩgu werenigũri mera deco mera ĩgu waĩyeri mera.

²⁷ Eropa coeweadĩ árĩmi ĩgu marire ĩgu yarã õarã árĩmorãre iigu. ĩgu eropiicũ ñeri dipuwaja marirã árĩrãca ĩgu ĩacũ. Ne merogã eropa árĩri ñeri árĩsome marire. Eropirã õarã Cristo iro dopa árĩrãca.

²⁸ Eropirã mũa marasã nomere mahi umupeorã, mũ basi mũ dũpũre mũ umupeoro dopa ta mũa mũ marapore umupeoque. ĩgu marapore umupeogu ĩgu basi umupeogu iimi.

²⁹⁻³⁰ Ne mari dũpũre ñero wacũ gamebeaa mari. Mari basi mari ya dũpũre ĩhadibua. Cristo yarã árĩrã ĩgu dũpũ iro dopa àhraa. Eropigu marire ĩgu õaro ĩhadibumi. Eropirã Cristo marire ĩgu õaro iidiro dopa ta mari sã mari

dɔpɔre ðaro iiaa. Mari marasã nome sãre eropa ta ðaro iiro gahmea marire.

³¹ Eropa ta ãhraa Goãmɔ yare erã gojarapũgue: Õpa gojara ãhraa: “Eropi ɔmɔ ãgu pagɔ sɔmarãre wirigu, ãgu marapo mera áricãgɔcumi. Eropirã erã perã áricãquererã ta yuju dɔpɔ iro dopa áricãcoma,” arĩ gojañumi iribojegue.

³² I gojarare ðaro peebirinirã árima. Eropigu irire ðaro weregura mɔare. Õpa werero iica: Cristo ãgu yarã mera yuju dɔpɔ iro dopa ta yuju curu ta ãhrima.

³³ Eropigu mɔare òpa arĩ werenemogura daja: Mɔ basi mɔ mahiro dopa ta mɔ marapo sãre mahi umupeoque. Eropirã nomepɔ mɔa marapɔ sɔmarãre ðaro gɔhyadiaro mera umupeoque mɔa.

6

¹ Dohpaguere majirãre weregura: Mari Opɔ Cristo yarã áricã mɔa pagɔ sɔmarãre ðaro yũhrirã áricãque. Mɔa eropiirã ðaro iirã iiaa.

²⁻³ Õpa arĩñumi Goãmɔ doregɔ: “Mɔa pagɔ sɔmarãre ðaro umupeoque,” arĩ doreñumi ãgu. I doreriñe mera Goãmɔ werenemoñumi. Õpa arĩñumi: “Mɔa pagɔ sɔmarãre umupeorã i yebaguere yoari boje mucubiriri mera áricãca mɔa,” arĩ wereñumi. Eropa arĩgu ãne doreriñe mera, “Mɔa eropa iirã ðaro áricãca,” arĩ weremɔhtañumi Goãmɔ. Eropirã ãgu arĩdiro dopa mɔa pagɔ sɔmarãre umupeoque mɔa.

⁴ Dohpaguere erã pagɔ sɔmarãre weregura. Mɔa porãre eropa turiniguibiricãque guacũ iiri

arĩrã. Mari Opũ Cristo ĩgũ mahiri mera ĩgũ itamuri mera erãre õaro mera masuque. Eropirã erãre masurã õaro wereque.

⁵ Dohpaguere pohro majarãre weregura. Gũhyadiaro mera umupeori mera i yeba majarãre mũa oparãre õaro yũhrirã árĩque. Gũyaro mariro õaro yũhrirã árĩque. Cristore mũa yũhribodiro dopa ta yũhrique erãre mũa.

⁶ Erã ĩhuro dihtare yũhrirã árĩbircãque yũre ĩhasuaporo arĩrã. Erã ĩhurore mũa yũhriro dopa ta erã ĩabiro sãre õaro iirã árĩque. Cristo ĩgũ pohro majarã mũa árĩbodiro dopa ta mũa oparã sãre eropa yũhriniguicãque. Eropirã Goãmũ ĩgũ gamero dopa ta õaro mucubiriri mera mũa oparãre õaro yũhrirã árĩque.

⁷ Eropirã “Cristopũre yũhrirã iiaa,” arĩ pepirã mucubiriri mera yũhrique mũa oparãre.

⁸ Eropirã ire guñaque: Árĩpehrerã mari árĩpehreri õarire mari iicũ ĩagũ Goãmũ õaro iigũcumi marire. Pohro majarãre, pohro majarã árĩbirã sãre õaro iigũcumi ĩgũ.

⁹ Eropigũ oparã sãre weregura: Mũa pohro majarãre õaro iique. Erãre õaro yũ iidorediro dopa ta iique erãre õaro. Ōpa masique. Ŭmũsi majagũ Goãmũ diaye ta erã opũ ãhrimi. Mũa yagũ opũ ãhrimi ĩgũ. Eropirã mũa árĩpehrerã ĩgũ pohro majarã dihta ãhrraa. Eropigũ ĩgũ yujuropa ĩhami mũare árĩpehrerãre. Eropirã turibircãque mũa pohro majarãre.

Cristo yarã watĩre erã cãhmotarire wereñumi Pablo

10 Õpa weretugura mũare. Õaro guñaturarã árĩque mũa. Mari Opũ Cristo mũa mera aħrimi. Eropirã ĩgu ya turari mera guñaturarã árĩque.

11 Watĩ marire ĩgu pepiri mera guyagu ñero iidoremi marire. Mari Jesucristore umupeorire goroweodiami. Goãmũpũ marire cãhmotami ñerire mari iibiriboro dopa. Marire ĩgu cãhmotaro surara ĩgu cãhmotari suhriro come suhriro iro dopa aħraa. Eropirã iri suhri mera erã cãhmotarõ dopa ta Goãmũ ĩgu yare iirã cãhmotaque watĩ ĩgu ñero iidorerire.

12 Jesu yarã mari árĩcũ marire goroweodiarã masa gohra árĩbeama. Erã bajarã umaro majarã, ñerã, turarã, oparã erãpũ aħrima. Watĩ ĩgu mera majarã mera i umũ majarãre Jesucristo yarã árĩbirãre dorema erã. Eropirã erã mari Jesucristo yarã árĩcũ marire goroweodiana.

13 Eropirã erã marire goroweobiricũ dohpaguere Goãmũ yare opapehoque mũa cãhmotaborore. Eropirã watĩ mũare ñero goroweodiacũ, mũare ĩgu ñero iidorecũ ĩgure cãhmotarãca. Eropirã tarinũgarãca. Eropa ĩgure tarinũgarã, turarã dujarãca mũa.

14-17 Eropirã turarã árĩque Goãmũ ya mera. Surara gamewejẽrã warã erã come suhri sañarã erã dupure õaro cãhmotama. Erã coretihbi cãhmotama erã come suhriro sañarã. Come zapatu saņama. Erã diapore cãhmotama comese mera. Come sãpea peyama. Noserimijire opama erã cãhmotaboro dopa. Erã surara cãhmotaro dopa ta mũa watĩre õaro cãhmotapehoborore õpa Goãmũ yare iique. Diaye majare Goãmũ yare õaro peeque.

Eropirã Goãmũ gamero dopa òarire iiniguicãque mũa watĩre cãhmotamorã. Jesucristo ya òari buherire peerã òaro àhraa. Eropirã iri òari buherire òaro wererã waque gajirãre. Watĩ mũare ñero iidorediarimi. Eropirã Ìgũre cãhmotamorã Jesucristore “Diaye iigũ àhrimi,” arĩ umupeoniguicãque. Cristopũ marire peamegue wabonirãre taumi. Mũa Ìgũ taunirã árĩrã watĩ ñero iidorerire yũhribiricãque. Eropirã watĩre tarinũgamorã Goãmũ yare òaro masique mũa Espĩritu Santo Ìgũ itamuri mera.

¹⁸ Eropirã mũa watĩre cãhmotarã Goãmũre eropa umũri nũcũ serẽniguicãque. Espĩritu Santo Ìgũ itamuri mera serẽniguique. Eropirã òaro guña masique. Eropa serẽrã gariborebivicãque. Árĩpehrerã Goãmũ yarãre eropa serẽbasaniguicãque.

¹⁹ Eropirã yũ sãre serẽbasaque Goãmũre. Òpa arĩ serẽbasaque: Òari buherire iribojegue masa erã òaro masibirirare òaro erãre masicũ yũ iiborore serẽbasaque. Eropirã gũiro mariro yũ wereboro dopa serẽbasaque yũre.

²⁰ Cristo Ìgũ yare weredoregũ yũre obeomi. Yũ eropa werera waja peresugue àhraa dohpague. Yũhũ ohõ árĩqueregũ ta gũiro mariro Ìgũ yare yũ wereboro dopa serẽbasaque yũre. Ìgũ yare werebu árĩgũ tiiaa.

Pablo òadoretuñumi

²¹ Tíquico yũ mera majagu mũa pohroque e jagũ yũ árĩricũrĩre mũare werepehogũcumi. Ìgũ mari acaweregũ mari mahigũ àhrimi.

Eropigu mari Opu yare ðaro itamugu eropa árĩniguicãmi.

²² Gua árĩricurire mũare weredoregu ĩgure obeogu iiaa mũa pohroque mũa ðaro mucubiriboro dopa.

²³ Goãmũ mari Pagu mari Opu Jesucristo mera mũare árĩpehrerãre guã acawererãre ðadorea. Cristore mũa ðaro umupeori mera mũa game mahiboro dopa Goãmũre serẽbasaa mũare.

²⁴ Árĩpehrerã mari Opu Jesucristore eropa mahiniguicãrãre Goãmũ mera ðadorea. Eropa ta árĩniguicãporo. Iripẽta ãhraa.

Desano

Desano: Goñmu Yare Wereripu New Testament

copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2025-05-01

PDF generated using Haiola and XeLaTeX on 30 Apr 2025 from source
files dated 1 May 2025

17771afc-c309-57fd-9ff3-2d5a0cd59ff1